

|                                                                                        |                       |            |              |
|----------------------------------------------------------------------------------------|-----------------------|------------|--------------|
| BOSNA I HERCEGOVINA<br>FEDERACIJA BOSNE I HERCEGOVINE<br>KANTON SARAJEVO Općina TRNOVO |                       |            |              |
| PRIMLJENO: 19.05.2021                                                                  |                       |            |              |
| Organizaciona jedinica                                                                 | Klasifikaciona oznaka | Redni broj | Broj priloga |
|                                                                                        |                       |            |              |

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO**

**KOORDINACIONI ODBOR BORAČKIH UDRUŽENJA OPĆINE TRNOVO**

*UOPŠ i PB URVI UJOB „Unija veterana“ UB „PL“ UB ZLJi ZPZ UB 1. Bošnjačke br.*

Broj : 01-01/21

Trnovo, 07.05.2021. godine

Na osnovu čl. 9., čl. 20, a u vezi sa čl. 15. čl. 21. i čl. 26. Poslovnika Koordinacionog odbora boračkih udruženja Općine Trnovo (KOBU-a), na hitnoj sjednici održanoj dana 07.05.2021 povodom neprimjerenih medijskih obavještenja i omalovažavanja boračke populacije i građana Općine i Opštine Trnovo i njenih legalnih i legitimnih organa vlasti upućenih od strane gosp. Muhameda Švrakića i u ime SUB „Zelene beretke“ Kantona Sarajevo čiji je predsjednik, te medijske jednostrane hajke od strane TV privatnog servisa „Hayat“, izražavamo najoštrij protest i zahtijevamo javno izvinjenje:

**SAOPŠTENJE ZA JAVNOST**

Gospodo!

Mi građani Trnova već smo navikli da je u fokusu javnosti naše mjesto i u svakoj dosadašnjoj situaciji znali se iznijeti. Trnovo uvijek interesantno i otvoreno za dobronamjerene, ali rezervisano i za one koje imaju velike apetite u odnosu na našu teitoriju.

Sada smo suočeni sa prijetanjama koje dolaze od pojedinca koji nije uspio u svojoj zamisli da prisvoji ono što mu ne pripada. Očito iznenađen što mu to na području naše općine nije pošlo za rukom posegnuo je za primitivnim načinom iskaljivanja bijesa. Njegove prijetnje su poput onih čije ni ime ne možemo spominjati. Pa dobro, suočili smo se mi i s njima.

Nakon medijskih natpisa i objavljenih tekstova\* na portalima od strane prethodno imenovanih, koji poistovjećuju šehide, poginule borce i ostale branitelje Općine Trnovo i RBiH, te građane i organe vlasti Općine Trnovo, sa četnicima i neprijateljskim snagama ove države, izražavamo nezadovoljstvo i revolt i najoštrije osuđujemo objavljene montirane fotografije četničke ikonografije, koja je kao meta za odstrel postavljena na glavu branitelja Općine Trnovo, organizatoru otpora Općine Trnovo, koji je bio cio rat u sastavu TO, a kasnije Trnovske brigade ARBiH, kao i član ratne vlade Općine Trnovo i čija su dva brata šehidi, te sa nama braniocima i stanovništvom bio u službi odbrane i poslijeratne izgradnje. Uvijek otvoren i susretljiv za svakog građanina, a veliki doprinos dao u ostvarivanju prava šehidskih porodica, RVI i ostalih pripadnika boračkih populacija. Nije riječ ni o kakvoj frazi već argumentovano možemo potvrditi svakodevne aktivnosti koje ovaj čovjek provodi kako prema boračkoj populaciji, tako i prema svim građanima kojima je pomoć potrebna. To je opšte poznata činjenica kako u krugu lokalne zajednice u kojoj djeluje tako i izvan nje. Rezultati njegovog rada su vidljivi na svakom koraku naše općine

pa tako je i njegov doprinos na izgradnji Bjelašnice, koja parira za jedan od najatraktivnijih centara u regionu.

Nedopustivo je da koristeći privatnu televiziju klan Švrakića pravi izvještaje iz avlija druge lokalne zajednice u koje je nepozvan upadao. Uklanjanje nelegalno postavljenog objekta na zemljištu koje pripada Općini Trnovo samo je jedan u nizu dokaza kolika je požrtvovanost prvog čovjeka Općine da zaštiti imovinu lokalne zajednice koju predvodi, a sve u skadu sa zakonskim propisima. Suprostavljajući se zakonskim aktima kako bi skrenuli pažnju javnost sa svojih nelegalnih i sumnjivih aktivnosti koje su provodili i još uvijek provode u svim sferama djelovanja klan Švrakića pribjegli su najnižim normama ponašanja koje se manifestuju klevetama i tračevima koje sami izmišljaju.

Gospodo saborci iz organa i tijela nevladinog i nestranačkog boračkog udruženja “Zelene beretke” direktno ste postali udruženje jednog lica i stavili se u funkciju “ Sudije i kadije “ omalovažavanja i poistovjećivanja sa četničkim kokardama, preko 440 uklesanih imena šehida na Igmanu i Bjelašnici i svakog trećeg ranjenog Trnovljaka. Zbog toga se vi, iz vaših organa i tijela Udruženja morate ograditi od svog predsjednika Udruženja, ako je on u vaše ime, zbog svog ličnog nezadovoljstva i rušenja njegove privatne vikendice na Bjelašnici shodno sudskom epilogu, iskoristio vas kao Udruženje, te osuditi i sankcionisati, jer su upućene vrlo ozbiljne prijetnje fizičke likvidacije i ugrožavanje života organu izvršne vlasti Općine Trnovo i poistovjećivanje šehida, patriota, branitelja i svih stanovnika sa neprijateljima BiH stavljajući nama svima obilježja četničke ikonografije.

S tim u vezi , ako je bez vašeg znanja i saglasnosti, koristeći vaše portale, posebno u ime članova UB “Zelene beretke” koje predstavljate, Švrakić Muhamed kao predsjednik vašeg udruženja, zloupotrebio i objavio prijeteće tekstove i fotografije, pozive na sukobe, nadamo se da ćete, eventualno njegovo privatiziranje nestranačkog i nevladinog Udruženja, oštro osuditi, sankcionisati i ograditi se od njegovih aktivnosti, izviniti se javno svim braniteljima i stanovnicima Općine Trnovo, a posebno šehidskim porodicama, Berilo Ibru, načelniku Općine Trnovo i njegovoj dvojici braće šehida, a sve zbog populacije koju predstavljate. Sramotno je na takav način povrijeđivati majku dva šehida.

Upućene otvorene prijetnje “ da ga je trebalo strijeljati” i pozivanja na bunt sa “ fizičkim otporom” je direktni pokušaj stvaranja razdora među boračkom populacijom. Ali da bude potpuno jasno svaki pokušaj protuzakornitog fizičkog ponašanja na području Općine Trnovo mi nećemo dozvoliti. Građani Općine i povratnici u Opštinu Trnovo pokazali su opredjeljenost i odlučnost da se kako u ratu, tako i u miru suprostave svim pokušajima rušenja naše općine, onemogućavanja njene dalje izgradnje, Bjelašnice i Igmana kao turističke, sportske i olimpijske destinacije, proglašavanje “parkom prirode, posebnim područjem i sl. i na taj način omogućili sportistima i turistima svijeta izlazak na ostale sportske centre Jahorina RS, Vlašić i dr. a ne na planine Igman i Bjelašnicu koju smo mi prevashodno borci Trnova i susjednih općina odbranili, a organi vlasti obnovili, izgradili, za dobrobit njenih stanovnika, a posebno boračke populacije u duhu zakona. I neki pojedinci, će se proglasiti non grata , ako nastave sa blokadama daljnjeg razvoja općine, odnosno Bjelašnice, od koje žive stanovnici Trnova, KS i FBiH.

Nasilnicima i kabadahijama na teritoriji Općine Trnovo nije mjesto, neovisno o njihovim zaslugama i titulama te svi oni koji misle da se protuzakonito ponašaju mi, borci ćemo im se suprostaviti. Tražimo od nadležnih organa Općine Trnovo da nastave sa daljnjim uklanjanjem bespravno izgrađenih objekata i sankcionisanjem svih protuzakonitih radnji. Zar neko misli da na nekoj kako kažu "Seljačkoj općini", mogu raditi šta hoće, krijući se iza sumnjivog kapitala, ličnog imućnog stanja, pojedinih medija, pozicije kroz Udruženja i političkom moći, neka pokušaju to uraditi na "Marin dvoru" i sl. kao na Bjelašnici.

Također, zahtijevamo od svih političkih struktura i organa vlasti KS i FBiH da odmah deblokiraju dalji razvoj Općine Trnovo, posebno Bjelašničko – igmanskog platoa.

Vjerovatno znate, ako niste zaboravili da je Općina Trnovo prije rata bila nerazvijena Gradska općina, da nismo imali puteve za Bjelašnicu i ostala planinska sela do kojih se zimi dolazilo helikopterom. Da smo mi prevashodno branioci Trnova, prvi oslobodili grad i do polovice 1993 branili 453 km<sup>2</sup> uz ogromne žrtve. Trnovo je u ratu potpuno uništeno (spržena zemlja) od VRS, i da se nakon rata krenulo u obnovu porušene nam općine.

Sada pojedine snage na većem nivou pokušavaju i djelimično uspijevaju da Općinu i njene stanovnike dovedu u poziciju građana drugog reda, da vrate u vrijeme prije rata, obustave radove razvoj olimpijskih planina, turizma i priliva u budžet Trnova, za izgradnju Opštine Trnovo RS i Federalnom dijelu Općine Trnovo. Samim tim nezapošljavanje stanovnika i blokiranje kompletne infrastrukture.

Gosp. Muhamed između ostalog prijeti da će doći pred zgradu Općine Trnovo. Mi ćemo Vas svakako čekati. Nećemo dozvoliti da ovaj čin prođe nekažnjeno jer želimo javnosti približiti iz prve ruke o kome se radi. Niko nema pravo da kalja ime našeg prvog čovjeka, čovjeka koga smo mi izabrali da nas predstavlja, da nas vodi, i to ne jedanput nego svaki put kada se kandidovao, i svaki naredni put njegova pobjeda je ubjedljivija. Pa zar vam to ništa ne govori. A sada ponovo je dokazao da ne da što je naše.

Ponosni na svog Načelnika građani općine Trnovo žele poručiti svima da oni najbolje znaju kvalitete svog prvog čovjeka koji su i bili presudni kod izbora i nikakve insinuacije sa strane nam ne trebaju, niti ih mi uvažavamo. Sa načelnikom građani Trnova hrabro koračaju u svjetliju budućnost.

S poštovanjem!

UOPŠ i PB Trnovo, Predsjednica s.r. Sifa Dreca

URVI, Trnovo Predsjednik s.r. Redžo Kolar

UJOB „Unija veterana“ Trnovo Predsjednik s.r. Imamović Zakir

UB „PL“ Trnovo, Predsjednik s.r. Seid Katana

UB ZLJi ZPZ, Trnovo, Predsjednik s.r. Smajo Mehanić

UB 1. Bošnjačke br Predsjednik s.r. Dedić Osman

